

KA ACTERIK KE ICI WITCIHAKANIWITCIK KA AKWERITAMIHAKANIWITCIK KANATA

ITASINATEW KITCI TAPICTAKANIWOK

Kekwan nihe itasinahikan kitci tapictakaniwok?

Nihe itasinahikan kitci tapictakaniwok acteriw kitci kicikasotc ka ki patahak anihit kitci kicikwatc ka ki akweritamihatc. Kata tapictowew irikik ka ki onitaritci coriariw. Nihe masinahikan nama itactew neta kitci tapictowatc kecpin aci ickwa tipaskonakaniwite ka ki patahak. Ekote e ici acotciparinik kaie irikik e actamowakaniwitec opatahamowin. Matci wirata pitoc kata ki itasinateriw matci kata kipohwakaniwitec kekotc kata nanakatcihakaniwitec aka wiec aci kitci ici patahak.

Ka acterik ke totowakaniwitec ka ki akweritamihakaniwitec !

Nihe kitci masinahikan Charte canadienne des droits des victimes esko ka pimotemakak 23 mikomin pisimw 2015 kaskina tca awik acteriw kitci nataweritamowatc tipaskonikewinik ka mitaritci kitci tapictakotc ka ki akweritamihikotc mia apitc ke tipaskonakaniwitec ka ki patahamiritci. Kecipin aka wi kicikasote naha ka ki patahak acteriw naha ka ki akweritamihakaniwitec kitci itetc kitci masinahikaterik tipaskonikewikamikok kitci tca nosanetakaniwitec. Nte kitci otciparinik irakonike masinahikanik kitci pimotemakanik.

Irikik ke kicikasohakaniwaniwok

Irikik ke kicikasohakaniwitec nama kata ki ariman e akitcikatek nama kaie kata ki meckotcitakaniwitec. Mitowi kata masinatewriw irikik e kicikwakaniwitec. Peikon masinahikanik kata nokotakaniwitec irikik aka e ki otcit amirotc e ki apineckatc. Matci kaie kata ki pakitinam masinahikanik e masinaterik kekwariw ka ki otapinac kekotc ka ki kimotimakaniwitec otirapatcicikan e ki itakitakonik.

- E ki pikotakaniwitec kekotc kekotc e ki onitakaniwitec apitc ka patahikatek ;
- E ki apineckatc awik kekotc e nesitci akositc ka ki ici apinehwakaniwitec peikon kaie irikik ka ki onitac e coriaketc e otamirotc kekotc e ki witcihakaniwitec ;
- Irikik ka ki tcakiniketc wiec e ki pa aitaciketc, e ki atiketc, eki pa acamitisotc, e ki kanansohiwitec, e ki kicikasotc e miparihakaniwitec, e ki atikeparihakaniwitec peikon onapema, owitacikemakan, onitcanica peikon kaie e ki kwectasimikotc ka ki patahamiritci ;
- E koski wectatc oticinikasowin e ki pikotamowakaniwitec e ki onactamowakaniwitec oticinikasowin e mirosinateripan oticinikasowin , e ki wecimakaniwitec kekotc e ki kimotimakaniwitec oticinikasowin kitci otcit coriakewakaniwitec ;
- Irikik ka ki kicikasotc kitci mananikaterik omasinasowin kekotc oticinikasowin pamikicikopitcikanik e ki actakaniwitec

aka e ki otcit kiskeritak aka kaie e ki otcit naheritak. Nama actew kitci kicikwakaniwitec awik e akositc kekotc e micta akwerimotc kekotc kotak kekwariw tepirak wiraw tipaskonikewinik ka mitatcic ke ki oreritakik.

Tante tca e isparik kicikasohiwewin tan apitc ?

Tipaskonikewinik ka mitatcic kata oreritamowew anihit ka ki patahamiritci irikik ke kicikowatc anihit ka ki akweritamihatc acitc matci kata ki itew tipirowe kitci kicikowatc kekotc kitci atotac awiriwa ka ici otamirotaritci natoockakewinik naha kitci kicikowakaniwitec ka ki akweritamihakaniwitec. Matci kaie kata ki itew tecikotc kitci kicikasoritci kekotc papapitc. Matci kaie kata mitcetiriwa ke kicikwatc acitc tan anihit patama ke kicikwatc.



E ACTEK WERITA
KITCI WITAMAKOIN



E ACTEK KITCI
NANAKATCIHIKOIIN



ACTEW KITCI
NTA WITAMAN



ACTEW KITCI
NATOCKASOIN



ACTEW KITCI
ARIMIHIWEIIN

KA ACTERIK KE ICI WITCIHAKANIWITCIK KA AKWERITAMIAHAKANIWITCIK KANATA

Naha ka patahak kecpin aka kicikasote irikik ka itakaniwitic kaie irikik e acterik kitci kicikasotc. Matci kata ki witam anaha aka ka kicikwakanawitc nete tipaskonikewinik kitci tca witcihakaniwitic kitci kicikakotc anihi ka masinahamakotc. Takon witcihiwewin kitci witcihakaniwitic tan ke totak kitci ki tapictowakanawitc awik. Aitakono kitacikewininak anihi witcihiwewina.

Kitci nanto kiskeritakok irikik ka onitatc awik ocoriam

Tapwe arimaniw kitci akitak ocoriam irikik ka onitatc anaha ka ki akweritamiahakaniwitic. Kirowe aric kata wetaniw wipatican kitci witak irikik kaki onitatc mekwatc tipaskonakaniwiritc ka ki patahamiritci. Enko ohwi masinahikan ke apatak :

- E masinatek ka ki itikitakok ka ki onitakaniwok kekotc ka ki pikotakaniwok ;
- Natockaso masinahikan ;

- Ka acotcictek ko coriamasinahikanike masinatek irikik e kicikakoiin
- Masinahikan e masinatek irikik aka e ki otci otamiroiin irikik ka ki onitaiin
- E masinatek irikik ka itikitakok e ki wectaiin kekotc e meckotcitiin kekwan
- Kaskina e masinatek kekwan e itikitakok ka ki meckotcitiin kekotc ka ki wectaiin e pikoparik peikon kaie e ki meckotinaman
- Kaskina kotakahi masinahikan e masinatek e ki tcakinikeiin apitc ka arimipariin.

Niheriw kata ki apatcitawok masinahikanw Formule 34.1 ka ki akweritamiahakaniwitic kitci akitakik irikik ka ki onitatcic ocoriamiwaw.

Awin ke ki aimihakaniwitic kecpin awocamec e wi nanto kiskeritcikatek ?

Kecpin kir awik kiskerimate e ki akweritamiahakaniwitic matci ki ka ki witcihikowinawaw. Kaskina wic ota kanata askik takon nihe witcihiwewin aniki otci ka akweritamiahakaniwitic matci ki ka witcihikowaw kekotc kata naskamo ka ici kokweticemowin. Neta takon e masinatek ke ki ici witcikoin. Répertoire des services aux victimes wirawaw ki ka witamakok tante ke ici nta kokweticemoin ite e ici peconakok kitacikewin.

<http://www.justice.gc.ca/eng/cj-jp/victims-victimes/vsd-rsv/index.html>

.....
© Kitci Okimakew e nikanipictak ota Kanata askik aniki tca e atoskectowatic kitci tipaskonike iriniwok acitc ka nikanipictak tipaskonikewinik Kanata 2019

ISBN 978-0-660-30564-6
Cat. No. J2-412/9-2015Rc1-PDF